

ایکنجی سنه

نومرو : ۲

خزینہ اوراق

تاریخ ناسیسی
۱ مایس سنه ۱۲۹۷



مؤسی

محمود جلال الدین



تاریخ طبع
و نشر
۱۲۹۸
کابل
۲۶

بو رساله ادبیه جمعہ ایرتسی کونلری چیقار

لغز

کیمدر اول افتاده بخت سیاه کار و کسبی روز و شب فریادواه
قامتی بالا و جسمی ناتوان نی کی بغری دلك ایلر فغان
نه الی وار نه ایاغی نه کوزی لکن عالم ایجره جاریدر سوزی
قاره کیمش غرق ماتمدر بتون واقف امرار عالمدر بتون
وصلت جانان ایچون اول دردناک سینه سن ایتمکده در هر لحظه چاک
سودیکن کورد کده بی صبر و شکیب دامنک پوس ایلوب اغلر غریب
جوهر اشکن دوکوب اول دم همان حالتق اول سمین تنه ایلر بیان
(...) غمخواره په همدمدر او ناله جانکاهنه محرمدر او

باغ عرفانه قیلوب اشکن روان

حشره دك راز دلن ایتسون عیان (ل .. خانم)



اوچنجی مکتوب

ژولی به

خانم صبر سزلق ایتیکزاشته سزهاك صوكت تصدیع بودر .

سزی سومکہ باشلا دیغم وقت کندم ایچون حاضر لدیغم
 فلاکتلری تفرس ایتمکدن نه قدر قاصر ایمشم ! ابتدالزنده
 مرور زمان ایله عقلک مغلوبی اوله بیله جک بر امیدسز
 عشق المنی حس ایتم . اندن صکره سزی کوجندی رملک
 مناسبتیله دهها بیوک بر الله اوغرامد و شمعی ده سزک مکدر
 اولمکز ملاحظه سیله هپسندن زیاده بر مدهشنه دوچار
 اولدم . آه زولی ! دلخون اوله رق کور یورم که بنم شکلا
 یلرم سزی راحتسز ایدیور . واقعا سز کتم ایدیور سکز
 فقط سزک هب خفی هیچانلرکز بنم دقت اوزره اولان
 کولکه منکشف اولیور کوزلر یکز قرار یور طالیور یره
 دیکلیور یولنی شاشرمش بعض باقشالرکز بکا طوغری
 کلیور کل بکزکز صولیور بر غریب رنکسزک یناقلرکز
 استیعاب ایدیور شوق و شطارتکز منسلب اولیور
 محزونیت مدهشه سزه مستولی اولیور یالکز شائبه تغیردن
 بری اولان صفوت قلبکز بعض مرتبه نشاطکزی محافظه
 ایدیور .

کرلرقت قلبدن کرک استخفافدن کرک حال پریشانمه
 مرچتدن اولسون هر نه ایسه متأثر سکز، بونی کور یورم،
 سزک دخی انسلاب راحتکزه سبب اولمقدن قورقیورم
 و بو قورقو سزک تأثرکردن متولد اولمق لازم کلان امیدک

تسلیت و تطیبیدن چوق زیاده بنی مکدر ایدیور زیرا
یابن کندومی الداتیورم یاخود نظرمدہ سزک سعادت
حالکز کندومککندن زیاده عزیز و ملتزمدر .

هر نه ایسه ینه کندو حالک بختنه کلهلم: کوکلی ادرا .
کده نه قدر یا کلشم اولدیفنی ا کلامه یه باشلا یورم و بنم اول
جنون موقت صاندیغم حالک عمرمه سورہ جکنی (بعد خراب
البصره) فهم ایدیورم سزک محزونیتکزک ترایدی بنم دردمک
ترایدی بکا حس ایتدیردی کوزلرکزک آتشی تنکزک اطلا
فتی ذ کاوتکزک جاذبه سی اسکی نشئه کزک رونقی البتہ
بو حزن و فتورکز قدر بر تأثیر حاصل ایدہ من کوزلرولی!
شبهہ ایتیکز . شو سکز کونلک آتش اضطراب یورکی
نصل کباب ایتش اولدیفنی کورہ ییلیدیکز سبب اولد
یغکز مصائبدن طولایی کندوکز آہ وانین ایدردیکز بنم
دردم شمیدین صکرہ علاج قبول ایتز کمال مأیوسیتله
حس ایدیورم کہ بنی هلاک ایدن آتش عشق انجق مزارده
منطقی اولہ جقدر .

هر نه ایسه سعادت حالہ نائل اولہ میان ادم هیچ دکل
ایسه بوکامستحق اولہ ییلور باشند صاومہ بر جواب اعطا .
سنہ لایق کورمدیککز بر ادمہ حرمت ایتکہ سزی مجبور
ایدہ ییلورم دہا کتجم شمعی لایق اولمدیغم بر احترامہ بر

کون اولور که مستحق اولورم شمدیکی حالدہ بر دہا بولہ -
 مامق اوزرہ غائب ایتش اولدیغم و بومکتوبملہ سزدن
 دخی سلب ایتدیکم راحت سزہ اعادہ ایتلی یم یالکزجہ بنم
 مرتکب اولدیغم قباحک جزاسنی یالکزجہ بنم چکمه
 موافق حقانیتدر سزی اللہہ امانت ایدرم کوزل ژولی
 راحت ایدیکز واسکی نشہ کری بولکز یاریندن صکرہ
 ارتق بنی کورمز سکز فقط محقق بیلکز کہ سزک ایچون
 کانون سینہ بی کینہ مدہ شعلہ کیر اولان اتش محبت عمرم
 اولدقجہ منطقی اولمیه جقدر و بویله بر عزیز شی ایلہ طولو
 اولان کوکلم ارتق دنائی قبول ایدہمز و بوندن صکرہ
 خلوص و صداقتی سزکله فضائل اخلاقه حصر و تخصیص
 ایدہ جکدر و ژولینک پرستش اولندیغی بر بتخانہ بشقہ برصنم
 ایلہ تدنيس ایدلمیه جکدر.

منیف پاشا



ادیب عالیقدر کمال بک افندینکدر

چکمد عمرمدہ زنجیر اسارت بارینی
 قید دنیسادن مبرایم بیلیر دنیا بینی